

SONCHUS CHONDRILLOIDES.

SONCHUS glaber ; foliis radicalibus inæqualiter pinnatifidis , dentatis , angustis ; ramis virgatis , junceis , unifloris.

Chondrilla sicula tragopogonoides maritima. *Boc. Sic.* 13. t. 7. f. A. — *Boc. Herb.*

PLANTA glauca , glaberrima. Folia 3—6 millimetr. lata , 5—10 centimetr. longa ; radicalia inæqualiter pinnatifido-dentata , laciniis remotiusculis , acutis aut obtusis , apice albidis ; caulina pauca , angusto-lanceolata ; dentibus acutis , remotis. Caulis 3—6 decimetr. Rami erecti , graciles , junci-formes , inæquales , uniflori , foliis parvis , linearibus aut squamiformibus vestiti. Calyx Lactuæ , glaber , cylindricus , imbricatus squamis latiusculis , lanceolatis , apice canescentibus. Ligulæ luteæ , calyce duplo longiores. Pappus simplex , albus , villosus , sessilis. Semen parvum , oblongum , fuscum. Receptaculum nudum , angustum. Facies Hieracii porrifolii Lin. Icon Bocconi lacinias foliorum acutiores , pedunculos breviores repræsentat. Flos male pictus ; sed eadem certe ac nostra , fide Herbarii Bocconi in Museo Hist. Nat. Paris. servati.

HABITAT in arvis arenosis circa veterem Carthaginem. 4

L A C T U C A .

CALYX oblongus , arcte imbricatus. Semiflosculi omnes hermaproditii. Pappus villosus , simplex , stipitatus.

L A C T U C A S A T I V A .

LACTUCA foliis rotundatis ; caule corymboso. *Lin. Spec.* 1118.

Lactuca sativa. *C. B. Pin.* 122.—*T. Inst.* 473.—*Vail. Acad.* 1721. p. 198. —*Blakw. t.* 88.

Lactuca sativa folio Scariolæ. *Lob. Ic.* 241.—*Dod. Pempt.* 644. *Ic.* — *Ta-bern. Ic.* 421.

Lactuca florescens. *Matth. Com.* 399. *Ic.* — *Moris. s.* 7. t. 2. f. 1.

A. Capitata.